

+

卷之四

才調集五

八種唐詩

才調集目錄

卷九

劉商 一首

秋夜聽嚴紳巴童唱竹枝歌

長孫佐輔 二首

尋山家

南中客舍對雨送故

人歸北

朱傲 二首

秣陵送客入京

江上送別

王表 二首

朱清明日登城春望寄大夫使君

成德樂

張安石 二首

王女詞

苦別

張諤 一首

還京

于績 三首

古宴曲

思歸引

苦辛吟

胡曾 九首

寒食都門作

薄命妾

獨不見 八首 交河塞下曲

車遥遥 十首 早發潛水驛謁郎中

負外

贈漁者

自嶺下 七首 鷓鴣到清遠峽作

題周瑜將軍廟

李群玉 二首

同鄭相并歌姬小飲因以贈

戲贈姬人賦尖字韵

顧非熊 一首

秋日陝州道中作

袁不約 二首

長安夜遊

病宮人 重刪

吳商浩 八首

巫峽聽猿

秋塘曉望

水樓感事

長安春贈友人

宿山驛

塞上即事

北邙山

泊舟

梁鎰 一首

代征人妻喜夫還

賀知章 一首

賈詠柳

張蠙 四首

錢塘夜宴留別郡守

長安春望
敘懷

題嘉陵驛

劉象 七首

春夜
又

曉登迎春閣
早春池亭獨遊

又
又

白鬚

戴司顏 二首

江上雨
塞上

沈彬 一首

秋日

李賀 一首

七夕

嚴維 一首

秋夜船行

韓翃 一首

寒食

熊皦 一首

早梅

張喬 三首

楊花落

送友人歸宜春

送進士許棠

陳陶 一首

寄兵部任畹郎中

張謂 一首

杜侍御送貢物戲贈

鄭常 一首

寄邢逸人

崔峒 一首

題崇福寺禪院

李洞 一首

喜鸞公自蜀歸

李端 一首

巫山高和皇甫拾遺

江為 一首

江行

裴度 一首

中書即事

陳上美 一首

咸陽懷古

姚合 七首

遊宣義池亭

遊陽河岍

邊詞

又

寄王度居士

寄王玄伯

聞蟬

楊牢 一首

贈舍弟

王昌齡 二首

出塞

少年行

于鵠 二首

送唐大夫讓節歸山

送宮人入道

陳羽 一首

冬晚送友人使西蕃

僧貫休 三首

野田黃雀行

夜夜曲

行路難

僧尚顏 二首

秋夜吟

贈村公

僧護國 一首

許州趙使君孩子

僧棲白 二首

八月十五夜月

哭劉得仁

僧無可 二首

金州陪姚員外遊南池

夏日送田中丞赴蔡州

僧清江 一首

贈淮西賈兵馬使

僧法照 一首

寄錢郎中

僧太易 二首

贈司空拾遺

宿天柱觀

僧惟審 一首

賦得聞黃鳥啼

僧滄浩 一首

留別嘉興知己

僧皎然 二首

才調集目錄
八
謝崔侍御見贈

尋陸鴻漸不遇

僧無本 二首

行次漢上

馬嵬

才調集目錄 卷九 終

才調集卷之九

劉商 一首

秋夜聽嚴紳巴童唱竹枝歌

巴人遠從荆江客
回首荆山楚雲隔
思歸夜唱竹枝歌
庭槐葉落秋風多
曲中歷歷敘鄉思
綿綿楚詞古身騎吳牛
不畏虎手提篋笠欺風雨
猿啼日暮江岼邊
綠蕪連山水連天
來時十三今十五
一成新衣已再補
鴻雁南飛報鄰伍
在家歡樂

亂家苦天晴露白鐘漏遲淚痕滿面看竹枝曲終
寒竹風裊裊西方日落東方曉

長孫佐輔

二首

尋山家

獨訪山家歇還涉茅屋斜連隔松葉主人聞語未
開門繞籬野菜飛黃蝶

南中客舍對雨送故人歸北

猿聲啾啾雁聲苦卷簾相對愁不語幾年客吳君

在楚况送君歸我猶阻家書作得不忍封北風吹
斷階前雨

朱倣

二首

秣陵送客入京

秣陵春已至君去學歸鴻綠水琴聲切青袍草色
同鳥喧金谷樹花落夕陽宮日日相息處江邊楊

柳風

江上送別

浦邊新見柳搖時北客相逢只自悲惆悵空知思
後會艱難不敢料前期行看漢月愁征戰共折江
花怨別離向夕孤城分首處寂寥橫笛為君吹

王表 二首

清明日登城春望寄大夫使君

春城閔望愛晴天何處風光不眼前寒食花開千
樹雪清明日出萬家煙興來促席唯同舍醉後狂
歌盡少年聞說鶯啼却惆悵詩成不見謝臨川

成德樂

趙女乘春上画樓一聲歌發滿城秋無端更唱關
山曲不是征人亦淚流

張安石 二首

玉女詞

綺薦銀屏空積塵柳眉桃臉暗銷春不須更學陽
臺女為雨為雲趁惱人

苦別

向前不信別離苦而今自到別離處兩行粉淚紅
闌干一朶芙蓉帶殘露

張諤一首

還京

朱紱臨秦苑皇華赴洛橋文章南渡越書奏北歸
朝樹入江雲盡城銜海月遙秋風將客思川上晚
蕭蕭

于瀆

三首

古宴曲

雉扇合蓬萊朝車回紫陌重門集嘶馬言宴金張
宅燕娥奉卮酒低鬟若無力十戶手胼胝鳳皇釵
一隻高樓齊下視日照羅衣色笑指負薪人不信
生中國

思婦引

不畊南畝田為愛東堂桂身同樹上花一落又經
歲交親日相薄知己恩潛替日開十二門自是無

歸計

苦辛吟

壠上扶犁兒手種腹長飢窗下擲梭女手織身無
衣我願燕趙妹化為嫫母姿一笑不直錢自然家
國肥

胡曾

九首

寒食都門作

二年寒食住京華寓目春風萬萬家金絡馬銜原

上草玉顏人折路倚花軒車競出紅塵合冠蓋爭
回白日斜誰念都門兩行淚故園寥落在長沙

薄命妾

阿嬌初失漢皇恩舊賜羅衣亦罷薰倚枕夜悲金
屋雨卷簾朝泣玉樓雲宮前葉落鴛鴦瓦架上塵
生翡翠裙龍騎不巡時漸久長門空掩綠苔紋

獨不見

玉關一自有氛埃年少從軍竟未回門外塵凝張

言集 五
樂榭水邊香滅按歌臺窗殘夜月人何處簾卷春
風燕復來萬里寂寥音信絕寸心爭忍不成灰

文河塞下曲

交河冰薄日遲遲漢將思家感別離塞北草生蘇
武泣隴西雲起李陵悲曉侵雉堞烏先覺春入關
山雁獨知何處疲兵心最苦夕陽樓上笛聲時

車遥遥

自從車馬出門朝便入空房守寂寥玉枕夜殘魚

信絕金鈿秋盡雁書遙臉邊楚雨臨風落頭上春
雲向日銷芳草又衰還不至碧天霜冷轉無憀

早發潛水驛謁郎中負外

半床秋月一聲雞萬里行人費馬蹄青野霧銷凝
晉洞碧山煙散避秦溪樓臺稍辨烏城外更漏微
聞鶴柱西已是大仙憐後進不應來向武陵迷

贈漁者

不媿人間萬戶侯子孫相繼老扁舟往來南越諳

鮫室生長東吳識
蜃樓自為釣竿能
遣悶不因萱草解
銷憂羨君獨得逃
名趣身外無機任
白頭

自嶺下泛鷁到清
遠峽作
乘船浮鷁下韶水
絕境方知在嶺南
薜荔雨餘山自黛
蒹葭煙盡島如藍
旦遊蕭帝新松寺
夜宿嫦娥桂影潭
不為篋中書未獻
便來茲地結茅菴

雲山題周瑜將軍廟

共說前生國步難
山川龍戰血湯湯
交鋒魏帝旌

旂退委僎君王社
稷安庭際雨餘春
草長廟前風起晚
光殘功勳碑碣今
何在不得當時一
字看

李群玉

二首

同鄭相并歌姬小飲因以贈

裙拖八幅湘江水
髻聳巫山一片雲
風格只應天上有
歌聲豈合世間聞
胸前瑞雪燈斜照
眼底桃花酒半醺
不是相如憐賦客
肯教容易見文君

戲贈姬人賦尖字韻

穀子巡拋裏手拈無因得見玉纖纖但知謔道金
釵落圖向人前露指尖

顧非熊 一首

秋日陝州道中作

孤客秋風裏驅車出陝西關山午時路村落一聲
雞樹勢標秦遠天形到岳低誰知我名姓來往自
栖栖

袁不約

二首○向有病宮人一首查
重第七卷張祐作今刪去

長安夜遊

鳳城連夜九門通帝女皇妃出漢宮千乘寶車珠
箔捲萬條銀燭碧紗籠歌聲緩過青樓月香靄潛
來紫陌風長樂曉鐘歸騎後遺簪墮珥滿街中

吳商浩 八首

巫峽聽猿

巴江猿嘯苦響入客舟中孤枕破殘夢三聲隨曉
風連雲波滌滌和霧雨濛濛巫峽去家遠不堪魂

才調集
八
漢古
斷空

秋塘曉望

鐘盡疎桐散曙鴉故山煙樹隔天涯西風一夜秋
塘曉零落幾多紅藕花

水樓感事

高柳蠻啼雨後秋年光空感淚如流滿湖菱荇東
歸晚閒倚南軒盡日愁

長安春贈友人

繁華堪泣帝城春粉蝶青樓勢礙雲花對玉鈎簾
外發歌飄塵土路邊聞幾多遠客魂空斷何處王
孫酒自醺各有歸程千萬里東風時節恨離群

宿山驛

文戰何堪功未圖久驅羸馬指天衢露華凝夜渚
蓮盡月彩滿輪山驛孤岐路辛勤終日有鄉關音
信隔年無好同范蠡扁舟興高挂一帆歸五湖

塞上即事

身似流星跡似蓬玉關孤望杳溟濛寒沙萬里平
 鋪月曉角一聲高捲風戰士歿邊魂尚哭單于獵
 處火猶紅分明更想殘宵夢故國依然到甬東

北邙山

北邙山草又青青今日銷魂事可明綠酒醉來春
 未歇白楊風起柳初晴岡原旋葬松新長年代無
 人關半平堪取金爐九還藥不能隨夢向浮生

泊舟

身逐煙波魂自驚木蘭舟上一帆輕雲中有寺在
 何處山底宿時聞磬聲

梁鎧 一首

代征人妻喜夫還

征夫走馬發漁陽少婦含嬌開洞房千日廢臺還
 挂鏡數年塵面再新粧春風喜出今朝戶明月虛
 眠昨夜床莫道幽閨音信隔還衣總是舊時香

賀知章 一首

醉字曰平缺疑作
 醉

宗本幽園下缺
 三字

詠柳 或刺柳
枝詞

碧玉裝成一樹高萬條垂下綠絲絛不知細葉誰
裁出二月春風似剪刀

張蠊 四首

錢塘夜宴留別郡守

四方騷動一州安夜列罇罍伴客懽感粟調高山
閣迴蝦蟆更促海城寒屏間佩響藏歌妓幕外刀
光立從官沈醉不愁歸棹遠曉帆吹上子陵灘

長安春望

明時不敢臥煙霞又見秦城換物華殘雪未銷雙
鳳闕新春已發五侯家甘貧祇擬長緘酒忍病猶
期強採花故國別來桑柘盡十年兵踐海西艤

敘懷

月裏路從何處上江邊身合幾時歸十年九陌寒
風夜夢埽蘆花絮客衣

題嘉陵驛

嘉陵路惡石和泥行到長亭日已西獨倚闌干正
惆悵海棠花裏鷓鴣啼

劉象 七首

春夜二首

幾處兵戈阻路岐憶山心切與山違時難何處披
懷抱日日日斜空醉歸

又

一別杜陵歸未期祗憑魂夢接親知近來欲睡兼

難睡夜夜夜深聞子規

曉登迎春閣

未櫛憑欄眺錦城煙籠萬井二江明香風滿閣花
盈戶樹樹樹梢啼曉鶯

早春池亭獨遊三首

春意送殘臘春晴融小洲蒲茸纔簇岼柳頰已遮
樓便有盃觴興可攄羈旅愁鳧鷖亦相狎盡日戲
清流

又

清流環綠篠清景媚虹橋鶯刷初遷羽莎拳擬折
 苗細沙摧煖岍淑景動和颺倍憶同袍侶相歡倒
 一瓢

又

一瓢歡自足一日興偏多幽意人先賞疎叢蝶未
 過知音新句苦窺沼醉顏酡萬慮從相擬今朝欲
 奈何

白鬚

到處逢人求至藥幾回染了又成絲素絲易染鬚
 難染墨翟當時合滋鬚

戴司顏 二首

江上雨

非不欲前去此情非自由星辰照何處風雨送涼
 秋寒鎖空江夢聲隨黃葉愁蕭蕭猶未已早晚出
 蘋洲

塞上

空磧畫蒼茫沙腥古戰場逢春多霰雪生計在牛羊冷角吹鄉淚乾榆落夢床從來山水客誰謂到漁陽

沈彬 一首

秋日

秋含砧杵搗斜陽笛引西風顥氣涼薜荔惹煙籠蟋蟀菱荷翻雨潑鴛鴦當年酒賤何妨醉今日時

難不易狂腸斷舊遊從一別潘安惆悵滿頭霜

李賀 一首

七夕

別浦今朝暗羅帷午夜愁鵲辭穿線月花入曝衣樓天上分金鏡人間望玉鈞錢塘蘇小小更值一年秋

嚴維 一首

秋夜船行

扁舟時屬暝月上有餘暉海燕秋還去漁人夜不
歸中流何寂寂孤棹也依依一點前村火誰家未
掩扉

韓翃 一首

寒食

春城無處不飛花寒食東風御柳斜日暮漢宮傳
蠟燭青煙散入五侯家

熊皦 一首

早梅

江南近臘時已亞雪中枝一夜欲開盡百花猶未
知人情皆共惜天意不教遲莫訝無濃艷芳筵正
好吹

張喬 三首

楊花落

一刺楊
巨源

北斗南迴春物老紅英落盡綠尚早韶風滌蕩無
所依偏惜垂楊作春好此時可憐楊柳花縈盈艷

曳滿人家人家女兒出羅幙淨埽玉除待花落寶
 環纖手捧更飛翠羽輕裙承不著歷歷瑤琴舞袖
 陳飛紅拂黛憐玉人東園桃李芳已歇猶有楊花
 嬌算春

送友人歸宜春

落花兼柳絮無處不紛紛遠道空歸去流鶯獨自
 聞野橋喧磴水山郭入樓雲故里南陵曲秋期更
 送君

送進士許棠

離鄉積歲年歸路遠依然夜火山頭市春江樹杪
 船干戈愁鬢改瘴癘喜家全何處營甘旨潮濤浸
 薄田

陳陶 一首

寄兵部任畹郎中

常思劔浦別清塵豈蕊花紅十二春崑玉已成廊
 廟器澗松猶是薜蘿身雖同橘柚依南土終仰魁

岡近北辰好向明時薦遺逸莫教千古弔靈均

張謂 一首

杜侍御送貢物戲贈

銅柱朱崖道路難伏波橫海舊登壇越人自貢珊
瑚樹漢使何勞獬豸冠疲馬山中愁日晚孤舟江
上畏春寒由來此貨稱難得多恐君王不忍看

鄭常 一首

寄邢逸人

羨君無外事日與世情違地僻人難到溪深鳥自
飛儒衣荷葉老野飯藥苗肥疇昔江湖意而今憶
共歸

崔峒 一首

題崇福寺禪院

僧家更無事埽地與焚香清磬度山翠閒雲來竹
房身心塵外遠歲月座中長向晚禪堂閉無人空
夕陽

李洞 一首

喜鸞公自蜀歸

禁院閉生臺尋師到綠槐寺高猿看講鐘動鳥知齋埽石月盈簾瀝泉花滿節歸來逢聖節吟步上堯階

李端 一首

巫山高和皇甫拾遺

御覽集作巫山高

巫山十二峰皆在碧虛中迴合雲藏日霏微雨帶

楚宮
風猿聲寒過澗樹色暮連空愁向高唐去千秋見

江為 一首

江行

越信隔年稀孤舟幾夢歸月寒花露重江晚水煙微峰直帆相望沙空鳥自飛何時洞庭上春雨滿蓑衣

裴度 一首

中書即事

有意效承平無功益聖明
灰心緣忍事霜鬢為論
兵道直身還在恩深命轉輕
鹽梅非擬議葵藿是
平生白日長懸照蒼蠅
謾發聲嵩陽舊田地終使
謝歸耕

陳上美 一首

咸陽懷古

山連河水碧氛氲瑞氣東移擁
聖君秦苑有花空

笑日漢陵無主自侵雲
古槐堤上鶯千轉遠渚沙
中鷺一群賴與淵明同把菊
煙郊西望夕陽曛

姚合 七首

遊宣義池亭

春入池亭好風光煖更鮮
尋芳行不困逐勝坐還
遷細草亂如髮幽禽鳴似絃
苔文翻古篆石色學
秋天花落能漂酒萍開解避船
暫來猶愈疾久住
合成仙迸筍搯階起垂藤壓樹偏
此生應借看自

計買無錢

遊陽河岍

終日遊山困今朝始傍河尋芳愁路盡逢景長人多
鳥語催沽酒魚來似聽歌醉時眠石上肢體自
婆娑

邊詞二首

將軍作鎮古汧州水臙山春節氣柔清夜滿城絲
管散行人不信是邊頭

又

箭利弓調四鎮兵蕃人不敢近東行沿邊千里渾
無事唯見平安火入城

寄王度居士

顛顛王居士顛狂不稱時天公與貧病時輩復輕
欺茅屋隨年賃盤餐逐日移棄嫌官似夢珍重酒
如師無竹栽蘆看思山壘不為靜窗留客話古寺
覓僧棋瘦馬寒來死羸童餓得癡唯應尋阮籍心

事遠相知

寄王玄伯

夜歸曉出滿衣塵轉覺才名帶累身莫覓舊來終
日醉世間盃酒屬閑人

聞蟬

未秋吟便苦半咽半隨風禪客心應亂愁人耳願
聾雨情煙樹裏日晚古城中遠思應難盡誰當與
我同

楊牢

一首

贈舍弟

秦雲蜀浪雨堪愁爾養晨昏我遠憂千里客心難
寄夢兩行鄉淚為君流早驅風雨知龍聖餓食魚
蝦覺虎羞袖裏鎔錡光似水丈夫不合等閑休

王昌齡

二首

出塞

秦時明月漢時關萬里長征人未還但使龍城飛

將在不教胡馬渡陰山

少年行

走馬遠相尋西樓下夕陰結友期一劍留意贈千

金高閣歌聲遠重關柳色深夜闌須盡醉莫負百

年心

于鵠二首

送唐大夫讓節歸山

或刺送唐中丞入道

年老功臣乞罷兵玉階匍匐進雙旌朱門鴛瓦為

仙觀白領狐裘出帝城侍婢休梳宮樣髻閹童新

改道家名到時浸髮春泉裏猶夢紅樓簫箏聲

送宮人入道

十載吹簫入漢宮看脩水殿種芙蓉自傷白髮辭

金屋喜著黃冠向玉峰解語老猿開曉戶引雛飛

鶴下高松定知別後宮中伴遙聽緱山半夜鐘

陳羽一首

冬晚送友人使西蕃

驛使向天西
巡羌復入氏
玉關情有雪
砂磧雨無
泥落淚軍中
笛驚眠塞上
雞逢春鄉思
苦萬里草
萋萋

僧貫休 三首

野田黃雀行

高樹風多吹爾巢
落蒿深葉煖宜爾
依泊莫近鴉
類蛛網亦惡飲
野田之清水食
野田之黃粟深
花中睡埽土裏
浴如此即全勝
啄太倉之穀而
穿人

之屋

夜夜曲

蟋蟀切切風騷騷
芙蓉噴香蟾蜍高
孤燈耿耿征
婦勞更深撲落
金錯刀

行路難

君不見山高海深
人不測古往今來
轉清碧淺近
輕浮莫與交地卑
只解生荆棘誰道
黃金如糞土
張耳陳餘斷消息
行路難行路難
君自看

僧尚顏 二首

秋夜吟

梧桐雨畔夜愁吟
掛擲衣裾蘚色侵
枉道一生無繫著
湘南山水別人尋

贈村公

袖衣木突此鄉尊
白盡鬚眉眼未昏
醉舞神筵隨鼓笛
閑歌聖代和兒孫
黍苗一頃垂秋日
茅棟三間暎古原
也笑長安名利處
紅塵半是馬蹄翻

僧護國 一首

許州趙使君孩子

毛骨貴天生肌膚片玉明
見人空解笑弄物不知名
國器嗟猶小門風望益清
抱來芳樹下時引鳳雛聲

僧棲白 二首

八月十五夜月 一刺 中秋

尋常三五夜豈是不婵娟
及至中秋半還昧別夜

圓清光疑有露皓色爽無煙自古人皆望年來復
一年

哭劉得仁

為愛詩名吟到此風魂雪魄去難招直教桂子落
墳上生得一枝冤始銷

僧無可 二首

金州陪姚員外遊南池

柳暗清波漲衝萍復漱苔張筵白鳥起埽岍使君

來洲島秋應沒荷花晚盡開高城吹角絕騶馭尚
徘徊

夏日送田中丞赴蔡州

出守汝南城應多戀關情地遙人久望風起旆初
行楚廟繁蟬斷淮田細雨生賞心知有處蔣宅古

松平

僧清江 一首

贈淮西賈兵馬使

破虜功成百戰場天書親拜漢中郎
暎門旌旆春風起對客絃歌白日長
階下鬪雞花乍拆營南試馬柳初黃
由来吳楚多同調感激逢君共異鄉

僧法照 一首

寄錢郎中

閑門深樹裏閑足為經過駟馬不為貴
一僧誰奈何藥苗家自有香飯乞時多
寄語嬋娟客將心向薛蘿

僧太易 二首

贈司空拾遺

侍臣何事辭雲陛江上微吟見雪花
望闕未承丹鳳詔關門空對楚人家
陳琳草奏才還在王粲登樓興尚賒
高館更容塵外客仍令歸路奉瑤華

宿天柱觀

石室初投宿仙翁喜暫容花原隔水見
洞府過山逢泉湧階前地雲生戶外峰
中宵人自定不是欲

降龍

僧惟審 一首

賦得聞黃鳥啼

捲簾清夢後芳樹引流鶯涼隔葉傳春意穿花送曉

聲未調雲路翼空負桂林情莫盡關關興羈愁正

厭生

僧滄浩 一首

留別嘉興知己

一坐東林寺從來未下山不因尋長者無事到人

間宿雨愁為客寒禽散未還空懷舊山月童子誦

經閑

僧皎然 二首

訓崔侍御見贈

買得東山後逢君小隱時五湖遊未足柏署跡如

遺儒服何妨道禪心不廢詩一從居士說長破小

乘疑

樹字不誤作樹者反為音同致訛也

尋陸鴻漸不遇

移家雖帶郭野徑入桑麻近種籬邊菊秋來未著
花扣門無犬吠欲去問西家報道山中出歸時每
日斜

僧無本 二首

此當是國仙未返初服時詩誤分兩人也

行次漢上

習家池沼草萋萋嵐樹光中信馬蹄漢主廟前湘
水碧一聲風角夕陽低

馬嵬

長川幾處樹青青孤驛危樓對翠屏一自上皇惆
悵後至今來往馬蹄腥

才調集卷之九

才調集目錄 卷十

張夫人 二首

拜新月

拾得韋氏花鈿以詩

寄贈

劉媛 一首

長門怨

女道士李冶 九首

從蕭叔子聽彈琴賦得三峽流泉歌

送韓揆之江西
春烟相思怨
瓜泉端

感興
恩命追入留別廣陵

故人
八至

送閻二十六赴剡縣

寄朱放
得閻伯鈞書

劉雲
二首

有所思
婕妤怨

鮑君徽
一首

惜春花

崔仲容
二首

贈所思
贈歌姬

張文姬
二首

溪口雲
沙上鷺

女道士元淳
二首

寄洛中諸姊
秦中春望

蔣勳
二首

詩集目
贈鄭女郎

古意

崔公遠 一首

女獨夜詞 一首

女道士魚玄機 九首

隔漢江寄子安 寓言

江陵愁望寄子安 寄子安

寄李億員外 送別

又 迎李近仁員外

新賦得江邊樹

張窈窕 二首

寄故人 春思

張琰 二首

春詞 又

趙氏 二首

雜言寄杜羔 聞夫杜羔登第

程長文 三首

獄中書情上使君 銅雀臺

春閨怨 詩 卷 閨夫 詩 卷 登 卷

梁瓊 三首

昭君怨 銅雀臺

宿巫山寄遠人

廉氏 二首

懷遠 寄征人

薛濤 三首

送友人 題竹郎廟

柳絮

姚月華 二首

怨詩 又

裴羽仙 二首

邊將 又

劉瑤 三首

暗別離 古意曲

暗別離

古意曲

闔閭城懷古

妓常浩 二首

贈盧夫人

寄遠

葛鵲兒 一首

懷良人

薛媛 一首

寫真寄夫南楚材

眇眇 一首

燕子樓

崔鶯鶯 一首

富張生

無名氏 三十七首

春言宮

又

夏言

秋

冬言

雞頭

紅薔薇

斑竹簟

聽琴

石榴

秦家行

小蘇家

斑竹

宴李家宅

長信宮

驪山感懷

無聽唱鷓鴣

遊朱坡故少保杜公

林亭

留贈偃師主人

長門

客有新豐館題怨別

之詞因詰傳吏盡得其實偶作四韵嘲

之

經漢武泉

雜詩

又

又

又

又

又

又

又

雜詩

又

天竺國胡僧水晶念珠

白雪歌

琵琶

傷哉行

才調集目錄 卷十 六

才調集目錄 卷十

終

才調集卷之十

張夫人

二首。戶部侍郎吉中孚妻

拜新月

拜新月拜月出堂前
暗魄初籠桂
虛功和引弦
拜新月拜月粧樓上
鸞鏡未安臺
蛾眉已相向
拜新月拜月不勝情
庭前風露清
月臨人自老
人望月長生
東家阿母亦拜月
一拜一悲聲
斷絕昔年拜月
逞容輝
如今拜月雙淚垂
回看衆女拜新月
却

沈本無三字

才調集

卷之十

及古閣

憶紅閨年少時

拾得韋氏花鈿以詩寄贈

今朝粧閣前拾得舊花鈿粉汚痕猶在塵侵色尚鮮
曾經織手裏粘向翠眉邊能助千金笑如何忍
棄捐

劉媛 一首

長門怨

雨滴梧桐秋夜長愁心和雨到昭陽淚痕不與君

恩斷拭却千行更萬行

女道士李冶

九首。字季蘭。

從蕭叔子聽彈琴賦得三峽流泉歌

中興集 小異

妾家本住巫山雲巫山流泉常自聞玉琴彈出轉
寥夙真是當時夢裏聽三峽迢迢幾千里一時流
入幽閨裏巨石崩崖指下生飛泉走浪絃中起初
疑憤怒含雷風又似嗚咽流不通迴端曲瀨勢將
盡時復滴漉平沙中憶昔阮公為此曲能使仲容

聽不足一彈既罷復一彈願作流泉鎮相續

送韓揆之江西

或刺送閻伯均往江州○中興集小異

相招折楊柳別恨轉依依萬里西江水孤月何處
歸湓城潮不到夏口信應稀唯有衡陽雁年年來
去飛

相思怨

人道海水深不抵相思半海水尚有涯相思眇無
畔攜琴上酒樓樓虛月華滿彈著相思曲絃腸一

時斷

感興

朝雲暮雨鎮相隨去雁來人有返期玉枕祇知長
下淚銀燈空照不眠時仰看明月翻含意俯盼流
波欲寄詞却憶初聞鳳樓曲教人寂寞復相思

恩命追入留別廣陵故人

無才多病分龍鍾不料虛名達九重仰愧彈冠上
華髮多慙拂鏡理衰容馳心北闕隨芳草極目南

山望舊峰桂樹不能留野客沙鷗出浦謾相逢

八至

至近至遠東西至深至淺清谿至高至明日月至
親至疎夫妻

送闕二十六赴剡縣

流水閭門外孤舟日復西離情遍芳草無處不萋
萋妾夢經吳苑君行到剡溪歸來重相訪莫學阮
郎迷

寄朱放

中興集同

望來試登山山高湖又闊相思無曉夕相望經年
月鬱鬱山木春綿綿野花發別後無限情相逢一
時說

得閻伯鈞書

情來對鏡懶梳頭暮雨蕭蕭庭樹秋莫怪闌干垂
玉箸只緣惆悵對銀鈎

劉雲 二首

有所思

朝亦有所思
莫亦有所思
登樓望君處
靄靄蕭關道
掩淚向浮雲
誰知妾懷抱
玉井蒼苔春
院深桐花落
盡無人掃

婕妤怨

君恩不可見
妾豈如秋扇
秋扇尚有時
妾身永微賤
莫言朝花不
復落
嬌容幾奪
昭陽殿

鮑君徽

一首

惜春花

或刺惜
花吟

枝上花花下
人可憐
顏色俱青春
昨日看花花
灼灼今日看
花花欲落不
如盡
此花下歡
莫待春風
總吹却
鶯歌蝶舞
媚韶光
紅爐煮茗
松花香粧
成
吟態恣遊
樂
獨把花枝
歸洞房

崔仲容

二首

贈所思

所居幸接隣
相見不相親
一似雲間月
何殊鏡裏

人丹誠空有恨腸斷不禁春願作梁間燕無由變
此身

贈歌姬

水剪雙眸霧剪衣當筵一曲媚春暉
瀟湘夜瑟怨猶在巫峽曉雲愁不晞
皓齒乍分寒玉細黛眉輕感遠山微
渭陽朝雨休重唱滿眼陽關客未歸

張文姬

二首○鮑參軍妻

溪口雲

溶溶溪口雲纔向溪中吐不復歸溪中
還作溪中

雨

沙上鷺

沙頭一水禽鼓翼揚清音只待高風便非無雲漢

心

女道士元淳 二首

寄洛中諸姊

舊國經年別關河萬里思題詩憑雁翼望月想蛾

眉白髮愁偏覺歸心夢獨知誰堪離亂處掩淚向南枝

秦中春望

鳳樓春望好宮闈一重重上苑雨中樹終南霽後峰
落花行處徧佳氣晚來濃喜見休明代霓裳躡
道蹤

雨蔣韞

二首○一作蘊字馥

贈鄭女郎

或刺鄭氏妹

艷陽灼灼河洛神珠簾繡戶青樓春能彈箜篌弄
纖指愁殺門前少年子笑開一面紅粉粧東園幾
樹桃花死朝理曲算理曲獨坐窗前一片玉行也
嬌坐也嬌見之令人魂魄銷堂前錦褥紅地鑪綠
沈香榼傾屠蘇解佩時時歇歌管芙蓉帳裏蘭麝
滿晚起羅衣香不斷滅燭每嫌秋夜短

古意

昨夜巫山雲失却陽臺女
朝來香閣裡獨伴楚王

語

崔公遠 一首

獨夜詞

晴天霜落寒風急錦帳羅幃羞更入秦箏不復續
斷絃回身掩淚挑燈立

女道士魚玄機

九首

隔漢江寄子安

江南江北愁望相思相憶空吟鴛鴦煖臥沙浦鷓

鷗閑飛橘林煙裏歌聲隱隱渡頭月色沈沈含情
咫尺千里况聽家家遠砧

寓言

紅桃處處春色碧柳家家月明樓上新粧待夜閨
中獨坐含情芙蓉葉下魚戲蟬竦天邊雀聲人世
悲歡一夢如何得作雙成

江陵愁望寄子安

楓葉千枝復萬枝江橋掩暝算帆遲憶君心似西

江水日夜東流無歇時

寄子安

醉別千卮不浣愁
離腸百結解無憂
蕙蘭銷歇歸春圃
楊柳東西絆客舟
聚散已愁雲不定
恩情須學水長流
有花時節知難遇
未肯厭厭醉玉樓

寄李億員外

集作贈隣女

羞日遮羅袖
愁春嬾起粧
易求無價寶
難得有心郎
枕上潛垂淚
花間暗斷腸
自能窺宋玉
何必恨

王昌

送別二首

層城幾夜愜心期
不料仙鄉有別離
睡覺莫言雲去處
殘燈一盞野蛾飛

又

水柔逐器知難定
雲出無心肯再歸
惆悵春風楚江暮
算鴛鴦一隻失羣飛

迎李近仁員外

今日喜時聞喜鵲昨宵燈下拜燈花焚香出戶迎
潘岳不羨牽牛織女家

賦得江邊樹

草色迷荒岫煙姿入遠樓葉鋪秋水面花落釣人頭
根老藏魚窟枝低繫客舟瀟瀟風雨夜驚夢復添愁

張窈窕 二首

寄故人

溶溶春風花落時不堪愁坐更相思無金可買長
門賦有恨空吟團扇詩

春思

門前梅柳爛春輝閉妾深閨繡舞衣雙燕不知腸
欲斷銜泥故故傷人飛

張琰 二首

春詞 二首

垂柳鳴黃鸝關關若求友春情不可耐愁殺閨中

婦日莫登高樓誰憐小垂手

又

昨日桃花飛今朝梨花吐春色能幾時
邯鄲此愁緒蕩子遊不歸春來淚如雨

趙氏

二首

雜言寄杜羔

君從淮海遊再過蘭杜秋歸來未須臾
又欲向梁州梁州秦嶺西棧道與雲齊
羌蠻萬餘落矛戟自

高低已念寡儔侶復慮勞攀躋
丈夫重志氣兒女空悲啼
臨邛滯遊地肯願濁水泥
人生賦命有厚薄君但遨遊我寂寞

聞夫杜羔登第

長安此去無多地鬱鬱蔥蔥佳氣浮
良人得意正年少今夜醉眠何處樓

程長文

三首

獄中書情上使君

妾家本住鄱陽曲一片真心比孤竹當年二八盛
容儀紅牋草隸恰如飛盡日閑窗刺繡坐有時極
浦採蓮歸誰道居貧守都邑幽閨寂寞無人入海
燕朝歸衾枕寒山花夜落階墀濕強暴之男何所
為手持白刃向簾幃一命任從刀下死千金豈受
暗中欺我今匪石情難轉志奪秋霜意不移血濺
羅衣終不恨瘡粘錦袖亦何辭縣僚曾未知情緒
即便教人繫囹圄朱唇滴瀝獨銜冤玉筋闌干歎

非所十月寒更堪思人一間擊柝一傷神高髻不
梳雲已散蛾眉罷掃月仍新三尺嚴章難可越百
年心事向誰說但看洗雪出圜扉始信白圭無玷
缺

銅雀臺

君王去後行人絕簫箏不響歌喉咽雄劍無威光
彩沈寶琴零落金星滅玉階寂寞墜秋露月照當
時歌舞處當時歌舞人不回化為今日西陵灰

綺陌香飄柳如線時光瞬息驚流電良人何處事
功名十載相思不相見

梁瓊 三首

昭君怨

自古有^無和親貽灾到妾身朔風嘶去馬漢月出行
輪衣薄狼山雪粧成虜塞春迴看父母國生死畢
胡塵

銅雀臺

歌扇向陵開齊行奠玉盃舞時飛燕列夢裡片雲
來月色空餘恨松聲暮更哀誰憐未死妾掩袂下

銅臺

宿巫山遠寄人

巫山雲巫山雨朝雲暮雨無定所南峰忽暗北峰
晴空裏仙人語笑聲曾侍荆王枕席處直至如今
如有靈春風溶溶白雲閒驚湍流水響千山一夜

此中對明月憶得此中與君別感物情懷如舊時
君今渺渺在天涯曉看襟上淚流處點點血痕猶
在衣

廉氏二首

離臺懷遠

隙塵何微微朝夕通其輝人生各有託君去獨不
歸青林有蟬響赤日無鳥飛徘徊東南望雙淚空
沾衣

寄征人

淒淒北風吹鴛被娟娟西月生蛾眉誰知獨夜相
思處淚滴寒塘蕙草時

薛濤三首

送友人

水國蒹葭夜有霜月寒山色共蒼蒼誰言千里自
今夕離夢杳如關塞長

題竹郎廟

竹郎廟前多古木夕陽沉沉山更綠何處江村有
笛聲聲聲盡是迎郎曲

○柳絮

二月楊花輕復微春風搖蕩惹人衣他家本是無
情物一向向南飛又北飛

姚月華

二首

怨詩首

春水悠悠春草綠對此思君淚相續羞將離恨向

東風理盡秦箏不成曲

又

與君形影分胡越玉枕終年對離別登臺北望煙
雨深迴身泣向寥天月

裴羽仙

二首。其夫征匈奴輕行入為利
鹿生擒帳下自爾一往音信斷絕

邊將二首

風卷平沙日欲曛狼煙遙認犬羊群李陵一戰無
歸日望斷胡天哭塞塵

又
良人平昔逐蕃渾力戰輕行出塞門從此不歸成
萬古空留賤妾怨黃昏

劉瑤 三首

暗別離

槐花結子桐葉焦
單飛越鳥啼青霄
翠軒輾雲輕
遙遙燕脂淚
迸紅線條瑤草
歇芳心耿耿玉佩無
聲画屏冷朱絃暗斷
不見人風動花枝
月中影青

鸞脉脉西飛去海闊天高不知處

古意曲

梧桐階下月團團
洞房如水秋夜闌
吳刀剪破機頭錦
茱萸花墜相思枕
綠窗寂寞背燈時
暗數寒更不成寢

闔閭城懷古

五湖春水接遙天
國破君亡不記年
唯有妖娥曾舞處
古臺寂寞起愁煙

常浩 二首

贈盧夫人

佳人惜顏色恐逐芳菲歇日算出画堂下堦拜新月拜月如有詞傷人那得知歸來投玉枕始覺淚痕垂

寄遠

年年二月時十年期別期春風不知信軒蓋獨遲遲今日無端捲珠箔始見庭花復零落人心一往

不復歸歲月來時未嘗錯可憐熒熒玉鏡臺塵飛

幕幕幾時開却念容華非惜好画眉猶自待君來

葛鵝兒 一首

懷良人

蓬鬢荆釵世所稀布裙猶是嫁時衣胡麻好種無人種正是歸時不見歸

薛媛 一首

寫真寄夫南楚材

欲下丹青筆先枯寶鏡端已驚顏索寞漸覺髻凋
殘淚眼描將易愁腸寫出難恐君渾忘却時展畫
圖看

眇眇 一首。張建封妾

燕子樓

樓上殘燈伴曉霜獨眠人起合歡床相思一夜情
多少地角天涯不是長

崔鶯鶯 一首

會張生

或刺月明三五夜

待月西廂下迎風戶半開拂墻花影動疑是巫人
來

無名氏 三十七首

春二首

裏裏東風吹水國金鴉影煖南山北蒲抽小劍割
湘波柳拂長眉舞春色白銅堤下煙蒼蒼林端細
葢參差香綠桑枝下見桃葉迴看青雲空斷腸

原本秋

鳥足遲遲日宮裏天門擊鼓龍蛇起風師剪翠換
枯條青帝接藍染江水蜂蝶繽紛抱香蕊錦鱗跳
擲紅雲尾繡衣白馬不歸來雙成倚檻春心醉

夏

赤帝旗迎火雲起南山石裂吳牛死繡楹夜夜箔
鰕鬚象榻重重簟湘水彤彤日脚燒冰井古陌塵
飛野煙靜漢帝高堂汗若珠班姬明月無停影

秋

月色驅秋下穹昊梁間燕語辭巢蚤古苔凝紫貼
瑤堦露槿啼紅墮江草越客羈魂挂長道西風欲
揭南山倒粉娥恨骨不勝衣暎門楚碧蟬聲老

冬

蒼茫枯磧陰雲滿古木號空晝光短雲推三峰嶽
色低冰堅九曲河聲斷浩汗霜風刮天地溫泉火
井無生意澤國龍蛇凍不伸南山瘦栢銷殘翠

湖浪參差疊寒玉水仙曉展鉢盤綠淡黃根老栗
皴圓染青刺短金嬰熟紫羅小囊光緊感一掬真
珠藏蛻腹叢叢引觜傍蓮洲滿川恐作天雞哭

紅薔薇

九天碎霞明澤國造化工夫潛剪裁淺碧眉長約
細枝深紅刺短鈎春色晴日當樓曉香歇錦帶盤
空欲成結謝豹聲催麥隴秋春風吹落猩猩血

斑竹簟

龍鱗滿床波浪溼血光點點湘娥泣一片晴霞凍
不飛深沉盡訝鮫人立百朶排花蜀纈明珊瑚枕
滑葛衣輕閑窗獨卧曉不起冷浸羈魂錦江裏

聽琴

六律鏗鏘間宮徵伶倫寫入梧桐尾七條瘦玉叩
寒星萬派流泉哭纖指空山雨脚隨雲起古木燈
青嘯山鬼田文墮淚曲未終子規啼血哀猿死

石榴

蟬嘯秋雲槐葉齊石榴香老庭枝低
流霞色染紫罌粟黃蠟紙苞紅瓠犀
玉刻冰壺含露溼編斑似帶湘娥泣
蕭娘初嫁嗜甘酸嚼破水精千萬粒

秦家行

彗孛飛光照天地九天瓦裂屯冤氣
鬼哭聲聲怨趙高宮花滴盡扶蘇淚
禍起蕭牆不知戢羽書催築長城急
劔上忠臣血未乾沛公已向函關入

小蘇家

雙月謳誣輾秋碧細風斜掩神仙宅
麥門冬長馬鬣青茱萸葢綻蠅頭赤
流蘇斗帳懸高壁綵鳳盤龍繳香額
堂內月娥橫剪波倚門腸斷鰕鬚隔

斑竹

濃綠疎莖遶湘水春風抽出蛟龍尾
色抱霜花粉黛光枝撐蜀錦紅霞起
交戛敲歌無俗聲滿林風曳刀槍橫
般痕苦雨洗不落猶帶湘娥淚血腥
嬾

一
言集
二十一
娜梢頭掃秋月影穿林下疑殘雪我今慙愧子猷
心解愛此君名不滅

宴李家宅

畫屏深掩瑞雲光羅綺花飛白玉堂銀榼酒傾魚
尾倒金爐灰滿麝心香輕搖綠水青蛾飲亂觸紅
絲皓腕狂今日恩榮許同聽不辭沉醉一千觴

長信宮

細草侵階亂碧鮮宮門深鎖綠楊天珠簾欲捲臺

秋水羅幌微開動冷煙風引漏聲過枕上月遷花
影到窗前獨挑殘焰魂堪斷却恨青蛾誤少年

驪山感懷

武帝尋仙駕海遊禁門高閉水空流深宮帶日年
年色翠栢凝煙夜夜愁鸞鳳影沉歸萬古歌鐘聲
斷夢千秋晚來惆悵無人會雲雨能飛傍玉樓

聽唱鷓鴣

金谷歌傳第一流鷓鴣清怨碧雲愁夜來省得曾

聞處萬里月明湘水流

遊朱坡故少保杜公林亭

杜陵池館洛城東孤島迴汀路不窮
高岫乍疑三峽近遠波初似五湖通
梧桐葉暗蕭蕭雨菱荇花香溶溶
風還有昔時巢燕在飛來飛去画堂空

留贈偃師主人

孤城漏未殘徒侶拂征鞍
洛北去愁遠淮南歸夢闌
曉燈迴壁暗晴雪卷簾寒
更盡主人酒出門行

路難

長門

悵望黃金屋恩衰似越逃
花生針眼刺月送剪腸刀地
近歡娛遠天低雨露高時看迴輦
處淚臉濕

天桃

客有新豐館題怨別之詞因詰傳吏盡得其

實偶作四韵嘲之

春風白馬紫絲韁正值蚕眠未採桑
五夜有心隨

莫雨百年無節待秋霜重尋繡帶朱藤合更認羅
裙碧草長為報西遊減離恨阮郎纔去嫁劉郎

經漢武泉

芙蓉池苑起清秋漢武泉聲落御溝他日江山暎
蓬鬢二年楊柳別漁舟竹間駐馬題詩去物外何
人識醉遊盡把歸心付紅葉晚來隨水向東流

雜詩十首

近寒食雨草萋萋着麥苗風柳暎堤早是有家歸

未得杜鵑休向耳邊啼

又

春光冉冉歸何處更向尊前把一盃盡日問花花
不語為誰零落為誰開

又

水紋玳簟思悠悠千里佳期一夕休從此無心愛
良夜任他明月下西樓

又

數日相隨兩不忘
郎心如妾妾如郎
出門便是東西路
把取紅牋各斷腸

又

無定河邊算角聲
赫連臺畔旅人情
函關歸路千餘里
一夕秋風白髮生

又

花落長川草色青
算山重疊雨冥冥
逢春便覺飄蓬苦
今日分飛一涕零

又

洛陽才子鄰簫恨
湘水佳人錦瑟愁
今昔兩成惆悵事
臨邛春盡算江流

又

浙江輕浪去悠悠
望海樓吹望海愁
莫怪鄉心隨魄斷
十年為客在他州

雜詩

二篇見劉夢得集中

鸞飛遠樹遊何處
鳳得新巢有去心
紅粉尚留香

幕幕碧雲初斷信沉沉
邗堪點汚沉泥玉猶自經
營買笑金從此山頭似人石
丈夫形狀淚痕深

又

折釵破鏡兩無緣
魚在深潭月在天
得意紫鸞辭
舞鏡墮松青鳥斷
銜戕金瓶永覆難
收水玉軫長
拋不續絃若到
靡蕪山下過空將
狂淚滴黃泉

天竺國胡僧水晶念珠

天竺胡僧踏雲立
紅精素貫鮫人泣
細影疑隨爛

火銷圓光恐滴袈裟濕
夜梵西天千佛聲
指輪次第驅寒星
若非葉下滴秋露
則是井底圓春冰
淒清妙麗應難並
眼界真如意珠
靜碧蓮花下獨提
攜堅潔何如幻泡影

白雪歌

皇穹何處飛瓊屑
散下人間作春雪
五花馬踏白雲衢
七香車碾瑤墀
月蘇岳乳洞攤山家
澗藤古栗盤銀虵
寒郊複疊鋪柳絮
古磧爛熳吹蘆花
流

泉不下孤汀咽斷臂老猿聲欲絕鳥啄冰潭玉鏡
 開風敲簷溜水晶折拂戶初疑粉蝶飛看山又訝
 白鷗歸孫康凍死讀書闈火井不煖溫泉微

琵琶

粉胸繡臆誰家女香撥星星共春語七盤嶺上走
 鸞鈴十二峰頭弄雲雨千悲萬恨四五絃絃中甲
 馬聲駢闐山僧撲破瑠璃鉢壯士擊折珊瑚鞭珊
 瑚鞭折聲交戛玉盤傾瀉真珠滑海神驅趁夜濤

回江娥感踏春冰裂滿坐紅粧盡淚垂望鄉之客
 不勝悲曲終調絕忽飛去洞庭月落孤雲歸

傷哉行

兔走烏飛不相見人事依稀速如電王母天桃一
 度開玉樓紅粉千回變車馳馬走咸陽道石家舊
 宅空荒草秋雨無情不惜花芙蓉一一驚顛倒勸
 君莫謾栽荆棘秦皇虛費驅山力英風一去更無
 言白骨沉埋算山碧

言自憶戊午借兩吳才一五松下日焚香讀異書
每思倡調因而負句相賞也時兩若饒購是
集不亞鴻寶第惡煤墨瀟無可著多槧處稍
稍點次遂投諸梓意殊未愜十年來偶于故
楮中覓得舊本不覺奕然隨刻燭研露互黍
唐名賢舊集標格無不印合遂訂為完書以
行斯無憾于作者益有洽于送人當世說詩
者見海虞刻有二種以此戊辰瑞陽前一日

湖南毛晉記

從義山手校本校過比坊間所刊二馮批本其字頗有
異同二馮許語有刊本故未臨之

義門跋云乙丑四月在京師徐學士先生家借紫笥中馮
定遠先生批詞本對臨。此古惟虞山錢氏所刻為善本此則
多為俗子改竄往之至於不可通矣。旁批小字大抵出于馮舒已
蒼純吟之兒也亦間有一二付以都見

才調集卷之十終

唐人選唐詩總跋

唐人選唐詩約十種餘予覈載遍搜僅得八冊或選
 轂而秦丹陛或別調而祕青緗或流美於旣湮或表
 章於復振三百年來風運文深已大備於斯編凡百
 類選盈案溢篋俱可束以高閣矣豈有一人一詩鎔
 見受張平過住香鄰瓢日二馬足推敲選者中乙通

息女

文月

衡微商思息固無俟煇異以標新亦何必強同而畫
一若乃癡雜未辨湯易刑天杳恐不能無媿於鼎來
夏有南薰又亦諧集姑俟續刻戊辰竹醉日湖南毛

晉言

唐人選唐詩總跋

終



卷之二